

HEIM



m stordnytt.no

Vikingane på Rommetveit

Nyhende — 07 september 2017



Vikinger frå Villvettene barnehage: (f.v.) Oliver Sørensen, Laura S. Dahl og Jonas Haugland. (Foto: Oddbjørn Kvålsvold)

Onsdag kveld vart noko av den tidlege lokalhistoria på Rommetveit presentert av 7.-klassane ved Rommetveit skule og Villvettene Friluftsbarnhage. Nærare 50 små og store historie-interesserte var møtt fram ved nausttufte til vikingskipet i strandsona nedom høgskulen, då lærar Øyvind Nordlie ynskte vel møtt.

Det var i 2014, Atle Bjørn Mæhle tok opp historieformidling kring vikingtida med Stord kommune og Hordaland Fylkeskommune for å få i gong eit prosjekt der skulane vart involverte. Mæhle var da leiar i Stord Sogelag og laget ynskte å fokusera meir på lokalhistoria i undervisning og aktivitetar. Eit arbeid som har gitt godt resultat.

Det var lagt opp til ein rusletur langs gangstien i området og dei sogeforvitne fekk historisk påfyll langs løypa både av lærarar og elevar. Turen vart avslutta i gymnastikksalen på Rommetveit skule der flotte filmsnuttar laga av elevane med emne frå vikingtida vart viste på lerretet, ispedd tekstopplesing av filmskaparane sjølve.

Som takk for vel utført arbeid fekk den aktive barnehagen og skuleklassen overrekk ei lita påskjønning av leiar i Stord Sogelag, Turid Tresselt Melheim.



Lærer Øyvind Nordlie informerer om kvinnegrava frå år 0 – 200. (Foto: Oddbjørn Kvålsvold)



Sjuandeklassingar på Rommetveit skule hadde laga filmsnuttar kring vikingtida i bygda. Her under visning i kombinasjon med informasjon. (Foto: Oddbjørn Kvålsvold)

Vegstenging fv. 544

Fv. 544 må stengast frå 11. september–16. september i forbindelse med vegarbeidet som pågår i Skrivarvegen. Omkjøring via E39.



Statens vegvesen
vegvesen.no

KORT SAGT

Saknar vegljøset i Øvre Sæ

Etter at arbeida med Skrivarvegen tok til før ferien har vegljøset på Fv 544 i Øvre Sæ vore ute av drift, melder ein oppstijar. – I dei lyse sommarmånadene har det ikkje vore noko problem, men no når det vert mørkare vert det meir riskabelt å vera gåande. Særleg med omsyn til dei mange skuleborn som ferdast der og mellom anna kyssar fotgjengarovergang utan ljøs.

Og med desse ord blir det retta instendig bøn til «rette instans» om å få lys i armaturen i Øvre Sæ, snarast.

Ingen fornminne funne

Det kan byggjast nytt aktivitetssenter på Sæbø gard, på tomta der sommarhuset står. Endeleg formell klarering kom nyleg frp Fylkeskommunen som etter synfaring kan melda : – Me i dag ikkje har kjennskap til automatisk freda kulturminne eller andre verneverdige kulturminne innanfor planområdet. Vi har difor ingen avgjerande merknader i saka, utover at ein under opparbeiding av feltet søkjer å unngå inngrep i/skade på eventuelle kulturlandskapstrekk som steingardar, eldre vegar/stiar, bakkemurar, tufter m.m.

Fire røystelokale måndag

I kunngjeringane kring Stortingsvalet komande måndag, 11. september, minner valstyret i Stord om at det sidan forrige val er gjort endringar for krinsar og røystelokale. Langeland krins er slått saman med Leirvik og Kulturhuset er felles røystestad. Litlabø er slått saman med Sagvåg krins, med Nysæter U-skule som felles røystelokale. Rommetveit er slått saman med Hystad med Prestagardsskogen fleirbrukshall som felles røystestad. Opningstid for alle desse er frå 0900 til 2100. På Huglo blir det røyting i skulen mellom 1500 og 1900.

Siste frist for førehandsrøysting er på Kundetorget i Rådhuset fram til klokka 1800 fredag 8. september.

Ut av dokken

ANDRE NYHENDE



Stord Kristne skule startar opp denne månaden
september 08, 2017



SIM avventar litt med årets «båtinnnsamling»
september 07, 2017



Bybane på sjø – for eit tettare Sunnhordland
september 06, 2017



Har nemning E39 begge to
september 06, 2017



– Gjev ikkje opp fastsambandet til Huglo
september 05, 2017



Mykje å glæda seg til på årets Kyrkjelyd-festival
september 04, 2017



Held på forslaget om stenging av Osen
september 04, 2017



Tusen tok turen
september 03, 2017



Haust på museet – familievennleg feiring!
september 02, 2017



Kommunen har alt fått spørsmål om vigsel
september 02, 2017



250 000 kulturkroner fordelt
september 01, 2017



Pulverhekse og venene til Kulturhuset
september 01, 2017



Nyopna Skogatufto barnehage
august 31, 2017



Lesarbrev: Blokk ved Kulleseidkanalen kontra naust ved Adlandsvatnet
august 31, 2017



Lokalt næringsliv opplever framleis krise
august 31, 2017

LEGG TIL ARRANGEMENT +



På Kværner Stord, Kjøtteinen, har det siste dagane vore hektisk førebuing til flytting av Njord-plattform ut av dokken. Planen er å flytta i løpet av fredag 8. september, ein dag naturkreftene i form av ekstra høg flo kan vera ein god medhjelpar i prosessen. Njord, som under opphaldet i dokken har fått ekstra flytarar påmonterte, skal leggjast ved utrustingskaia for vidare oppgradering.



Fre 08 S

Lesefe:
Stord folk
ARRANGØF
Stord fol



Fre 08 S

Lesefe:
Stord folk
ARRANGØF
Stord fol



Lau 09 S

Bok & I
Stord folk
ARRANGØF
Stord fol

Kyrkjehelg

Stord kyrkje:

Søndag 10. september kl. 11.00: Gudsteneste v/prostiprest Larsen, kantor Furdal og kyrkjelydspedagog Stautland. Konfirmantpresentasjon. Søndagsskule under preika. Takkoffer til søndagsskulearbeidet i kyrkja. Kyrkjekaffi.

Foreldremøte for konfirmantane etter gudstenesta.

Nysæter kyrkje:

Søndag 10. september kl. 11.00: Familiegudsteneste v/prost Theodorsen, organist Eide og kyrkjelydspedagog Matre. Takkoffer til søndagsskulen i Nysæter. Kyrkjekaffi. Kyrkjeskyss: 906 15 971

Start for ettermiddagstreffa



Det haustast så smått og det høvande tid for å gå i gang med sosiale hyggje- og samlingsstunder. Akkurat det er det Venelaget for Hagerupshuset inviterer til første torsdag i kvar månad framover, med start 7. september (kl 1800). Allsong, gode stubbar, gode kaker og kaffi og loddosal på programmet. Fritt tilgjenge og alle velkomne. Har du ikkje vore i dei trivelege stovene i Hagerupshuset tidlegare, er det på tida å ta turen.

Ingen utslag


Frå kl 1130 til kl 1200 i dag, onsdag, hadde UP promillekontroll på E-39 – Heiane. 52 kjøretøy kontrollerte, ingen utslag på alkometeret.

Kvakk litt...

[Sjå fleire lokale arrangement](#)

(0) READERS COMMENTS

Comments are closed.



Stordabuen på veg inn i daglegvarehandel på sørlege breiddegrader kvakk aldri så lite då han såg dette skiltet, og lurte på om desse rusgreiene var noko å skriva om med store bokstavar. Heldigvis viste det seg å vera svært så uskuldig informasjon. Berre ei melding om at ein i reolen under skiltet ville finna norske og russiske aviser ...

Teine på sluk

I serien av gode – men likevel sanne – fiskesoger, stoggar me i dag i farvatnet nordom Huglo. Litt tidlegare i sommar trudde naturleg nok ein tysk fisketurist at han hadde fått skikkelege godsaker på sluken, på helst grunt vatn.

Nappinga var så som så, men det virka som om fangsten likevel hadde sett seg god fast og stonga bøygde seg slik ein storfiskar vonar ho stundom skal gjera. Det blei både undring og smil i båten då ei teine på 6-7 kilo av det moderne slaget (med punktert blåse) braut vass-skorpa. Og slik kom den sakna teina attende til sin rettmessige eigar.

Første Bok & Bolle i haust!



Laurdag 9. september, kl. 12.00 vert det fyrste Bok & Bolle denne hausten på biblioteket i kulturhuset. Der vil det bli formidla litteratur til barn og dei vil får ein bolle i handa medan dei blir lest for. Det blir høve til boklån. Dette arrangementet er ein fin stund kor foreldra kan ta med dei minste (3-7 år) på biblioteket.

ARKIV

Arkiv

STORDNYTT.NO

Journalist:
Steinar Hystad
steinar@stordnytt.no
950 31 154

KONTAKT OSS

Om du har tips til redaksjonen eller om du ynskjer å annonsera, ta kontakt med oss på ein av desse e-post-adressene:

nettnytt@stordnytt.no

annonser@stordnytt.no



